

14. oktober 2015

Uunga siunnersuut: Suliffeqarnermi innersuussisarneq il.il. pillugit Inatsisartut inatsisaata allannguuteqartinneqarnera pillugu Inatsisartut inatsisaat nr. xx yy 2015-imeersoq

(Nuttarnerulersitsinissamat ikiorsiissutit atornerqarnerulernissaat)

(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)

Siumumiit aalajangiiffigisassatut siunnersuummut imaattumik oqaaseqaateqassaagut:

Aalajangiiffissatut siunnersuummi maanna inatsimmut atuuttumut sanilliullugu immikkoortunik pingasunik allannguuteqartussaavoq.

Siullermik sulisussat naammattunik piginnaaneqarnissaanik piumasaqaat peerneqassaaq, najukkami sumiiffinni nalunaarsorsimasut akornanni piukkunneqartut periarfissaqarnerulissapput, taamaasilluni nunatsinni sulisussarsiorfiusuni nuttarnerulernissaamik aqutissiuisoqassalluni, taamaaliornikkut anguniarneqarpoq sulisussat avataneersuut atorfinitsinneqarsinnaanerit annikillisarnissaat.

Aappaattut: Inissaqarneq pillugu suliffissarsiorlumut innersuunneqarsimanissaanik piumasaqaat atorunnaassaaq, suliffissarsiorlorlu nammineerluni inissarsiorinissamat periarfissaqartinneqalissamat, taamaasilluni ullumikkut aporfiusinnaasartoq atorfirmut atatillugu inissiamut innersuunneqarsimannginneq pissutigalugu ikiorsiissutinik pissarsinissaq ajornartinneqartartoq atorunnaassamat.

Pingajuattut siunertarineqarpoq nunaqavissut tapersiivigineqarsinnaalissammata atorfinittussanik oqaloqateqarnissamat, aamma suliffimmi misiliinernut nuttarnerulersitsinissamat ikiorsiissutinik ineqarnermut angalanermullu tunniussisinnaalernissamat.

Siumumiit arajutsisimanngilarput ullumikkut suliffeqarnermi pissutsit ajornartorsiutaasartullu atuuttut, assersuutigalugu illoqarfiit ilaat sulisussanik amigaateqarlutik oqariartuuteqartarnerat

illuatigullu suliffissaaleqisunik allattorsimaffiit qiviaraani suliffissaqanngitsut nalunaarsorsimasut ikigisassaanatit, taamaattullu oqaatigineqarsinnaavoq sumiiffinni eqiteriffiunngitsuni nunaqarfinnilu suliffissaqaratik oqariartuuteqartarnerat, taamaattumik eqaanagerusumik sulisoqarnissaanik aqutissiusoqartariaqartoq pingaartipparput.

Nunatsinni sulisussarsiorsinnaaneq nuna ataasiusumi ajornannginnerusumik anguneqarsinnaanissaa siunertarineqartoq Siumumiit iluarisimaarparput.

Taamatut Siumumiit oqaaseqarluta Inuussutissarsiornermut Ataatsimiititaliamut suliassanngorlugu ingerlatinneqarnissaa inassutigaarput.

Suka K.Frederiksen

Siumut